

BESTELAKO XEDAPENAK

INGURUMEN, LURRALDE PLANGINTZA ETA ETXEBIZITZA SAILA

4214

137/2019 DEKRETUA, irailaren 10ekoa, zeinaren bidez urgentziako deklaratzeko baita Bilbao Bizkaia Ur Partzuergoak, nahitaez desjabetzeko, honako eskubide eta ondasun hauek okupatzea: Dima eta Zeanurin, Zeanuriko Barazar, Saldropo eta Altsusta-Zubizabale auzoetako hornikuntza berriko proiektua burutzeko beharrezkoak diren ondasunak eta eskubideak.

Bilbao Bizkaia Ur Partzuergoak, «Zeanuriko Barazar, Saldropo eta Altsusta-Zubizabale auzoetako hornikuntza berria inkorporatzea» proiektuaren espedientea prestatu eta formalki onartu eta gero, proiektua gauzatzeko lur guztiak erabili beharra adierazi zuen.

2017ko azaroaren 2an, Bilbao Bizkaia Ur Partzuergoak erabaki zuen nahitaezko desjabetze-espedientea hastea eta ondasunen eta eskubideen zerrenda jendaurrean jartzea, hamabost eguneko epean, prentsan eta 2019ko azaroaren 21eko Bizkaiko Aldizkari Ofizialean (222. zk.). Epe hori bukatu ondoren, aurreikusitako soluzioa aldatzea proposatu zen. Aldaketa horrek eragina du beste lursail batzuetan, eta, hori dela eta, entzunaldi-izapidea ireki zen lursail horien jabeentzat, hamabost egunez.

Geroago, 2018ko abenduaren 26an egindako bilkuran, Bilbao Bizkaia Ur Partzuergoak Eusko Jaurlaritzari eskatu zion proiektuak eragiten dituen eskubideak eta ondasunak lehenbailehen okupatu behar direla deklaratzeko, Nahitaezko Desjabetzearen Legearen 52. artikuluan ezarritakoa betetzeko.

Urgentziaz okupatu beharreko ondasunak eta eskubideak zehaztuta eta banakatuta agertzen dira espedientean jasotako zerrendan, identifikazioak egiteko datu askirekin agertu ere. Zerrenda hori jendaurrean jarri zen egoki zenean, eta alegazio bat aurkeztu zen, administrazio-espedientean adierazten denez.

Zerbitzu teknikoek ikusi dutenez, ez dago espedientea izapidetzeko inolako hirigintza-oztoporik.

Ondasun eta eskubide horiek okupatzea luzaezintzat jotzen da, honako arrazoi hauengatik:

Abonatu guztiak sareko urez hornitu beharra, iturburuko uraren orde. Honek ur-hornikuntzaren kalitatea eta jarraitutasuna bermatuko du.

Euskal Autonomia Erkidegoko Lurralde Antolamenduari buruzko maiatzaren 31ko 4/1990 Legearen 26.1.f) artikuluan xedatzen denez, Eusko Jaurlaritzari dagokio: nahitaez desjabetu beharreko ondasunak eta eskubideak urgentziaz okupatu behar direla deklaratzeko, nahitaezko desjabetzeak honako hauek hartzen dituenean: burutze-unitate osoak, lurraldearen hirigintza-antolaketari dagozkion sistema orokorrak edo antolaketa horren elementuren bat eta hiri-lurzoruan egin beharreko banakako jarduketak. Goian aipatutako lege horrek 26.2 artikuluan ezarritakoaren arabera, lurralde-antolamenduaren eskumenak dituen sailburuari zegokion horretarako proposamena aurkeztea Jaurlaritzaren Kontseiluari.

2019ko irailaren 16a, astelehena

Hori dela eta, Ingurumen, Lurralde Plangintza eta Etxebizitzako sailburuak proposaturik, eta Gobernu Kontseiluak 2019ko irailaren 10eko bilkuran gaia aztertu ondoren, honako hau

XEDATZEN DUT:

Artikulu bakarra.– Urgentziako deklaratzeari honako ondasun eta eskubide hauek Bilbao Bizkaia Ur Partzuergoak okupatzea, nahitaez desjabetzeko: «Zeanuriko Barazar, Saldropo eta Altsusta-Zubizabale auzoetako hornikuntza berria inkorporatzea» proiektua burutzeko beharrezkoak diren ondasun eta eskubideak. Betiere, Nahitaezko Desjabetzeari buruzko Legearen 52. artikuluan eta Euskal Herriko Lurralde Antolakuntzari buruzko Legearen 26. artikuluan xedatutakoari jarraituz. Berariaz hasarazitako espedientean jasotako zerrendan daude zehaztu eta banakatuta ondasun eta eskubide horiek.

AZKEN XEDAPENA

Dekretu honek amaiera ematen dio administrazio-bideari, eta, beraren aurka, aurretiaz berraztertze-errekurtsoa jar dakioko Gobernu Kontseiluari, hilabeteko epean, edo, bestela, zuzenean, administrazioarekiko auzi-errekurtsoa Euskal Autonomia Erkidegoko Auzitegi Nagusiko Administrazioarekiko Auzien Salan, bi hilabeteko epean. Epeok Dekretu hau argitaratu eta hurrengo egunean hasiko dira.

Vitoria-Gasteizen, 2019ko irailaren 10ean.

Lehendakaria,
IÑIGO URKULLU RENTERIA.

Ingurumen, Lurralde Plangintza eta Etxebizitzako sailburua,
IGNACIO MARÍA ARRIOLA LÓPEZ.